

L Ö G

um breyting á lögum um lögræði, nr. 95 5. júní 1947, sbr. lög 75/1967,
um breyting á þeim lögum.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Lög um lögræði, nr. 95 5. júní 1947, 3. gr., sbr. 1. gr. laga nr. 75 19. desember 1967, breytist þannig, að í stað „20 ára“ kemur: 18 ára.

2. gr.

Lög þessi öðlast gildi 1. október 1979.

Gjört í Reykjavík 21. maí 1979.

Kristján Eldjárn.

(L. S.)

Steingrímur Hermannsson.

25. maí 1979.

Nr. 27.

L Ö G

um breyting á lögum nr. 10 22. mars 1960, um söluskatt,
með síðari breytingum.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Við 1. tl. 7. gr. laganna bætist tveir nýir málslíðir er orðist svo:

Þó er fjármálaráðherra heimilt að ákveða með reglugerð að frá heildarsöluverði verksmiðjuframleiddra íbúðarhúsa megi framleiðandi þeirra draga við söluskattsuppgjör tiltekinn hundraðshluta verðsins. Skal frádráttarhlutfallið ákveðið sérstaklega fyrir hin ýmsu afhendingarstig verksmiðjuframleiddra íbúðarhúsa og taka mið af því að sú verksmiðjuvinna verði undanþegin söluskatti er unnin hefði verið söluskattsfrjáls á byggingarstað við smíði húss á hefðbundinn hátt.

2. gr.

Lög þessi öðlast þegar gildi.

Gjört í Reykjavík 25. maí 1979.

Kristján Eldjárn.

(L. S.)

Tómas Árnason.

Endurprentað blað.